



Handwritten text on the spine, likely a title or library classification, including the words "Hundert" and "sechste".



Sammelband. Lex. 200


# Ein Sermon von dem heiligen hoch- würdigen Sacrament der Tauffe doc- toris Martini Luther Augustiner.



))



Ein Strich von dem höchsten  
vordigen Strich der  
eine Strich für



# Ein Sermon von dem heiligen hoch würdigen Sacrament der Tauffe Doct:is Martini Luther.

**I.**  
**C**zum ersten: Die Tauff heist auff Griechsch Baptismus / zu  
 latein *Mersio* / das ist / wann man etwas ganz ynß wasser taucht  
 daß ober ym zusammen geht. Vnd wiewol / an vielen örtern / der  
 Brauch nimmer ist / die Kinder / in die Tauff gar zu stossen vñ tan-  
 chen / sondern sie allein / mit der hand / auß der Tauff bezeugt / so  
 solt es doch so seyn / vñ were recht / das nach laute des wörtleins  
 tauff / man das kind oder igliche der getaufft wirt / ganz hineyn  
 ynß wasser senckt vñ taufft / vñ widder her auß zughe / dan auch  
 an zweifel / in deutscher zungen / das wörtlein tauff / herkompt /  
 von dem wort / tieff / das man tieff ynß wasser sencket / was man  
 tauffet. Das fordert auch die bedeutung der tauff / dan sie bedeyt /  
 das der alte mensch / vñ sundliche geburt von fleisch vnd blüt /  
 so! ganz ersufft werden / durch die gnad gottis / wie wir hō:en  
 werde. Drum solt man der bedeutung gnug thun / vñ ein rechts  
 vollkommens zeichen geben.

**II.**  
**C**zum andern: Die Tauff ist ein eusserlich zeichen oder losung /  
 die vns absondert von allen vngetaufften menschen / das wir dar  
 bey erkennen werden / ein volck Christi vnser Herzogen / vnder  
 welches banier ( das ist / das heylig Creutz ) wir stetiglich streitē  
 widder die sund / darumb müssen wir / drey ding in dem heiligen  
 Sacrament ansehen / das zeichen / die bedeutung / vñ den glauben  
 Das zeichen steht darinne / das man den menschen / in dē namen /  
 des Vaters / vnd des Sons / vnd des heiligen geistes / stoßt ynß  
 wasser / aber man leßt ynne darinnen / sondern hebt yn widder  
 erauß / Drum heist man es / auß der Tauff haben. Also mus-  
 sen alle beyde stück / in dē zeichen seyn / das tauffen vñ erauß hebē.

**C**zum dritten: Die bedeutung est / ein seliglich sterbē der sund /  
 vñ aufferhebung in gnaden gottis / das der alte mensch / der yn  
 sunden empfangen wirt vñ geboren: da ersufft wirt / vñ ein newer  
 mensch erauß geht vñ auff steht / in gnaden geboren. Also nennet  
 sant Paul / ad Ti. iij. die Tauff ein bad der newen geburt / das  
 man in dem selbē bad new geboren vñ vornwert wirt. Als auch  
 A ij Christus Johan. iij.

*gbat mersionem et  
 neri nam  
 I. Tauff a 2 wist*

*Inferno bapt  
 tua p g p d r a*

*significatio baptis  
 qd. ut in u t u t i o*

*significatio qd*

*8 103*



Christus Johannis. iij. sagt Es sey dann/das yr anderweit ge-  
boren werdt/auß dem wasser vnd dem geist ( der gnaden ) so mö-  
get yr nit eingehn in das reich der himel. Dan gleich wie ein kind  
auß mütter leib haben vñ geborn wirt/das durch solch fleisch-  
lich gepurt/ein sundigs mensch ist vnd ein kind des zorns/ Also  
wirt auß der tauff haben vnd geporn der mensch geistlich/ vñ  
durch solch geburt/ein kind der gnaden/vñ rechtfertigs mensch/  
Also ersauffen die sund in der tauff vnd geht auß die gerecht-  
keit für die sund.

**Zum vierden/** Die bedeutung vñ sterben/odder ersauffen der  
sund/geschicht nit volkommen/in disem leben / bis der mensch  
auch leiblich sterb vnd ganz vorwese zu puluer. Das sacrament  
oder zeichen der tauff ist bald geschehen/ wie wir vor augen seh  
Aber die bedeutung die geistlich tauff/ die erfassung der sünde  
wert dieweil wir leben/vnd wirt allererst ym todt volbracht/da  
wirt der mensch recht in die Tauff gesenck/vnd geschicht / was  
die tauff bedeut. Dumb ist dis ganz leben nit anders/ dann eynt  
geistlich tauffen an vnterlass / bis in den tod. Vnd wer getaufft  
wirt/der wirt zum todt vourteilt/als sprech der puffer wann er  
taufft/sich du bist ein sundigs fleisch/dumb ersauff dich yn  
gottis namen/vñ vnter dich zum todt in des selben namen / Das  
mit dir/all deyne sund sterben vnd vntergehen. Also sagt. s. Paul  
Roma. vi. Wir sein mit Christo begraben durch die Tauff zum  
todt. Vñ ye ehr der mensch stirbt/nach der tauff/ye ehr sein tauff  
volbracht wirt. Dan die sund hört nit ganz auß/dierweyl differ  
leyb lebt/der so ganz in sunden empfangen ist/das sund sein na-  
tur ist/als der prophet sagt/ Sich in sund bin ich empfangen/  
vnd in vntugend hat mich mein mutter getragen/weleher in key-  
ner weiß zu raten ist / sie sterb dann vnd werd zu nichte / mit yrer  
sund. Also ist eins Christen menschen leben nit anders/dan eynt  
anheben/seliglich zu sterben von der tauff an bis ynß grab. Dan  
got wil yn anders machen von new auß/am Jungsten tag.

**Zum funfften/** Desselben gleichen / auß der Tauff heben ge-  
schicht auch behend. Aber die bedeutung/die geistlich geburt/die  
merung der gnaden vnd gerechtikeit / hebt wol an/ in der Tauff  
wert aber

*Handwritten notes in red ink:*  
I  
NB  
zum bapst  
ad m...  
NB  
quod vita h...  
in...

*Handwritten note in red ink:*  
C

wert aber auch bis in den todt/ ya bis an Jungsten tag / da wirt  
 aller erst volbracht / das die tauffhebung bedent / da werden  
 wir/vom todt/ vō sunden/von allem vbel/auffstehn/reyn an leyb  
 vnd seel/vnd dann ewiglich leben. Da werden wir recht auß der  
 Tauff' gehalten/vnd volkomlich geborn/antzihen das recht we-  
 sterheim der des vnsterblichen lebens/ym hymel. Als sprechen die  
 gefattern wan sie das kind auß der tauff' geben / Sich dein sund  
 seyn nro erseufft/ wir empfangen dich in gottis namē in das ewig/  
 vnschuldig leben. Dan also werden die Engel am Jungsten tag  
 erauß heben/alle christen getauffte frum menschen/vnd werden  
 da erfüllen/das die tauff' vnd die gefattern bedenten/als christ'  
 sagt Mathei. xxiiij. Er wirt auß senden sein Engel/vnd sy wer-  
 den ym vor sammeln seyne außewelten/von den vier orten 8 winde  
 vom auffgang bis zum nidergang.

¶ Zum sechsten/Die tauff' ist vorzeiten angezeigt/in der sund  
 flut Noe/da die ganz welt erseufft wart/ außgeschlossen Noe/  
 mit dreien sonen vñ yren weybern/acht mensche/die in der Arch  
 en behalten worden. Das die menschen der welt erseufft worden/  
 bedent das in der tauff' die sund erseufft werden / Das aber / die  
 achte/in der Archen/mit allerley thieren behalten worden/bedent  
 das durch die tauff' der mensch selig wirt / als das sandt Peter  
 außlegt/in seiner andern Epistel. Wo ist die Tauff' weyt ein gröf-  
 fere sundflut/dan yhene gewesen ist/dan yhene/hat nit mehr dan  
 zyns iars menschen erseufft / aber die tauff' erseufft noch durch  
 die ganz werlt/von Christus geburt an bis an iungsten tag aller-  
 ley menschen/vnd ist ein sundflut der gnaden/wie yhene ein sund  
 flut des zorns was / die ym xxviij. psalm verkündet ist. Got wirt  
 machen ein beständige newe sundflut / dan an zweyfel vil mehr  
 menschen getaufft werden/dan in der sundflut ersoffen seyn.

¶ Zum sibenden/Daraus volget/das wol war ist/Ein mensch  
 so es auß der Tauff' kompt/ sey reyn vnd an sund ganz vnschul-  
 dig/Aber es wirt von vielen nit recht verstanden/die do meinen es  
 sey gar leyn sund mehr da / vmb werden faul vnd hynlessig / die  
 sundlich natur zu tödten/gleich wie auch etlich thün wan sie ge-  
 beicht habē. Dumb wie oben gesagti ist/sol man es recht vorstehn  
 N ij vñ wissen

Nota hinc  
20ij

vnd wissen / das vnser fleisch / dieweil es hie lebt / natürlich böß  
vñ sundhafftig ist / dem zu helfen / hat ym got / einen solchen radt  
erdacht / das er es ganz new anders schaffen wil / gleich wie Je-  
remie ~~an~~ anzeigt / Der töpffer da ym der topff nit wol geriede /  
den selben widderumb in den thon zuhauffen stieß vnd knetet /  
vnd macht darnach ein andern topff wie es ym gefiel / Also  
(spricht Got) seydt ir in meinen henden / vñ in der ersten geburt /  
sein wir nit wol geraten / durnb so stößt er vns widder in die er-  
den durch den todt / vñ macht vns / widerumb am Jungsten tag  
das wir dan wol geraten / vñ an sund sein. Disen radt / hebt er an  
in der Tauff / die den todt vnd auff erstehung am Jungsten tag  
bedeut / wie gesagt ist. Vnd darumb als vil die bedeutung / odder  
das zeichen des sacraments ist / so seynd die sund mit dem men-  
schen schon todt / vñ er auferstanden / vñ ist also das sacrament  
geschehen / aber das werck des sacraments / ist noch nit gar ge-  
schehen / das ist der todt vñ auferstehung am Jungsten tag / ist  
noch vorhanden.

NB.

¶ Zum achten / Also ist der mensch ganz reyn vñ vnschuldig  
sacramentlich / das ist nit anders gesagt / dann er hat das zeichen  
gottis / die Tauff / damit angezeigt wirt / seyn sund sollen alle tod  
sein / vñ er in gnadē auch sterben / vñ am Jungsten tag auferstehn  
reyn an sund vnschuldig ewiglich zu leben. Also ist des sacra-  
ments halben war / das er an sund / vnschuldig sey / aber dieweil  
nw das noch nit vollbracht ist / vñ er noch lebt / ym sundlichen  
fleisch / so ist er nit an sund / noch reyn aller dinger / sondern ange-  
fangen / reyn vñ vnschuldig zu werden. Darumb weñ d mensch  
zu seinen iaren kompt / so regen sich die natürlichen sundlichen  
begirden / zorns / vnkeuscheit / lieb / geitz / hoffart / vnd der gleichen.  
Der keins were / so die sund ym sacrament alle erseufft vnd todt  
weren. Vñ seyn sy nur bedeutet / zu erseuffen durch den todt / vñ  
auferstehung am Jungsten tag. Also klagt sant Paul Ro. viij.  
vnd alle heyligen mit ym / das sie sunder scyn / vñ sund in yrer na-  
tur habē / ob sie wol getaufft / vñ heylig waren. Durnb / das sich  
die natürlichen sundlichen begirden ymmer regen dieweil wir lebt

Post aliquos  
20ij

¶ Zum neunden / so sprichstu / Was hilfft mich dan die tauff /  
wan sy nit tilget vnd ablegt die sund ganz vnd gar. Hie kompt  
nw der recht



nwo der recht verstandt vnd erkentnis des sacraments der Tauff  
 Das hilfft dir das hochwirdig sacrament der Tauff / das sich  
 got daselbs mit dir vorpindt vñ mit dir eynß wirt eins gnedigen  
 tröstlichen bunds. Czum ersten/das du dich ergibst in das sa-  
 crament der tauff vñ seiner bedeutung/das ist/das du begerst mit  
 den sunden zu sterben/vñ am iungsten tag new gemacht werden  
 nach anzeigung des sacraments/wie gesagt/das nimbt got auff  
 von dir/vñ leßt dich tauffen/vñ lecht von stund an dich new zu-  
 machen/gerst dir eyn sein gnad vñ heiligen geist/der anfahet die  
 natur vñ sund zu tödten vnd zu bereyten zum sterben! vnd anff  
 erstehen am iungsten tag. Czum andern/vorpindest du dich/al-  
 so zu bleyben vñ ymmer mehr vnd mehr zu tödten dein sund/die  
 weil du lebest/biß in den todt/ So nimbt dasselb got auch auff/  
 vñ vbet dich dein lebelang mit vilen guten wercken vñ mancher  
 ley leiden/damit er thut/das du begert hast in der Tauff/das ist/  
 das du wilt der sund loß werden/sterben vñ new auffstehn am  
 iungsten tag/vñ also die tauff volnbringen. Dumb lesen wir vñ  
 sehen wie er seine lieben heiligen so hart hat lassen martern vnd  
 vil leyden/das sie nur bald getödet/dem sacrament der tauff ge-  
 nug theten/starben vñ new wurden/dann wo das nit geschicht/  
 vñ wir nit leiden noch vbung haben/ so vberwint die böß natur  
 den menschen/das er ym die tauff vnnutz macht/vñ fellt in sund  
 bleibt ein alter mensch wie vorhyn.

Czum zehende/Dieweil nwo solch dein vorpindē mit got steet  
 thut dir got widder die gnad/vñ vorpindet sich dir/ er wolle dir  
 die sund nit zu rechnen/ dienach der Tauff in deiner natur seyn/  
 wil sie nit ansehen noch dir dumb verdammen/leßt ym daran  
 genügen/vñ hat ein wolgefallen/das du in steter vbung vñ begir-  
 den seyest/die selben zu tödten/vñ mit deinem sterbē yr loß zu wer-  
 den. Derhalb noch sich wol böß gedanken oder begirden regen/  
 Ja ob du auch zu weylen sundist vnd fellest/so du doch widder  
 auffstehst vñ widder in den bund trittest/so sein sy in krafft des  
 sacraments vñ vorpintnis schon dahyn / als sant Paul Roma.  
 viij. sagt/Es verdäp die naturlich böß sundliche neygüg keinen/  
 der in Christo glaubt/so sie nit folgen vñ vorwilligen den selben.  
 Vnd sant Johannes der Ewangelist/in seiner Epistel/spriecht.  
 Vnd ob ymans

v.

I.

v.

II

11

10.

v.



Und ob ymants stel in sund / so haben wir eynen far sprecher vor  
got Jesum chriſta / der ein vergebung worden ist / vnſrer sund /  
Das selb geschicht alles in der tauff / da wirt vns Christus gebe  
wie wir hōren werden ym folgenden sermon.

11  
¶ Zum eilfften / Wan nro diser bund nit were / vñ got nit barm  
herziglich / durch die sinder sehe / so were keyn sund so kleyne / sie  
verdammēt vns / dan gottis gericht mag keyn sund leyde / Dumb  
ist keyn grōsser trost auff erden / dan die tauff / durch welche wir  
in der gnaden vñ barmhertzigkeit vnter tretē / die die sund nit rich  
tet / sondern mit vielen vñ bungen außtreibet. Also spricht sant Au-  
gustin ein feynen spruch / Die sund wirt in der tauff ganz verge-  
ben / nit also / das sie nit mehr da sey / sondern / das sie nit zu gerech-  
net wirt / als sprech er / die sund bleibt wol bis in den todt / in vn-  
serm fleisch / vñ reget sich an vnter laß / aber dieweil wir nit dieyn  
willigē / odder bleiben / so ist sie durch die tauff also geordnet / das  
sie nit verdampft / noch schēdlich ist / sondern außgetilget wirt teg-  
lich mehr vñ mehr / bis in den todt. Derhalben sol niemant er-  
schrecken / ob er siele in böse lust odder liebe / auch nit vertzagē / ob  
er schon fellet / sondern an sein tauff gedencen / vñ sich der selben  
frōlich trōsten / das got sich da vorpunden hat / ym sein sund zu  
tōdten vñ nit zur verdammis rechen / so er / nit dareyn williget od-  
der nit drinnen bleibt. Auch sol man die selbē wütten den gedancē  
en odder begirden / ya auch das fallen / nit annehmen / zum vertza-  
gen / sondern als ein vormanung von got / das der mensch an sein  
tauff gedencē / was er da geredt hat / das er anruff gottis gnade  
vñ sich vbezustreiten widder die sund / ya auch zu sterben begere  
das er der sund möglos werden.

12  
¶ Zum zwelfften / Hie ist nro das dritt stück / diß sacraments  
zu handeln / das ist der glaub / das ist / das man diß alles festiglich  
glaub / das diß sacrament nit allein bedeut / den todt vñ auff er-  
stung am Jungsten tag / durch welche der mensch new werde  
ewiglich an sund zu leben / Sondern das es auch gewislich das  
selb anhebe vñ wircke / vñ vns mit got vñ pindet / das wir wol-  
len bis ym todt / die sund tōdten vñ widder sie streiten / vñ her-  
widderumb vns wolle zu gute halten vñ gnedig mit vns hande-  
len / nit richten nach der scherffe / das wir an sund nit sein in diß  
sem leben

Augustinus II

III

*Quaeray tu in  
baptismo a pe-  
ccatis purgatus*

sem leben/bis das wir reyn werde/durch den todt. Also vorstest  
du wie ein mensch vnschuldig/reyn/an sund wirt in der Tauff/  
vñ doch bleibet vol vil böser neygüg/das er nit anders reyn heist  
1 dan das er angefangen ist reyn zu werden/vñ der selben reynikeit  
ein zeichen vnnd pundt hat/vnd ye mehr reyn werden sol / vmb  
welchs willen yhm got sein nachstelligen vnreynikeit nit rechnen  
wil/vñ also mehr durch gottis gnediges rechnen dan seins wes-  
sens halb reyn ist/wied prophet sagt am. xxxi psalm/ Selig seyn  
die/den yre sund vo:geben seyn. Selig ist der mensch dem got sein  
sund nit zu rechnet. Diser glaub ist der aller nödigst / den er der  
grund ist alles trostes/wer den nit hat / der muß verzweifeln yn  
sunden/dan die sund die nach der tauff bleibt/macht das alle gu-  
te werck nit reyn seyn vor got/ Derhalben muß man gar keck vnd  
frey an die tauff sich halten/vñ sie halten gegen alle sunde vnd er  
schieckē des gewissens/vñ sagen demütiglich/ Ich weis gar wol  
das ich keyn reyns werck nit hab/aber ich bin yhe getaufft/durch  
welch mir got der nit liegen kan/sich vorpunden hat / mein sund  
mir nit zu rechnen/ sondern zu tödten vñ vertilgen.

13

**C** Zum dreyzehenden / Also vorstehn wir nu das vnser vn-  
schuld von der tauff/ ganz vñ gar der götlichen barmhertzikeyt  
halben so heist/die solchs ang. fangen/ vnd mit der sund gedult  
treget/vñ vns achtet als weren wir an sund Daher vorsteht man  
auch warumb die Christen heysen yn der schrifft die kinder der  
barmhertzikeyt/ein volck der gnaden/vñ mensche des gutigen wil-  
lens gottis / darumb das sie angefangen durch die tauff reyn zu  
werde/durch gottis barmhertzikeyt mit der vbrigen sund/nit vor-  
dammet werden/bis sie in den todt vñ am iungsten tag gantz  
reyn werden/wie die tauff mit yrem zeichen außweist: darumb  
ist das ein grosser yrthumb/die do meinen sie sein durch die tauff  
gantz reyn worden/ vñ in yrem vnuo:stand gehn sie hyn vñ töd-  
ten yre sund nit/wollens nit sund lassen sein/verharren darinne  
vñ machen also yre tauff gar zu nicht / bleiben alleyn in ezlichen  
eufferlichen wercken hangen/ vnter welchen/die hoffart/has vnd  
andere natürlich böshheit die sy nit achten/nur stercker vñ grösser  
werden. Neyn es ist nit also/ Es muß die sund/böß neygung/fur  
ware sund erkant werden/das sie aber vnshedlich sey/gottis ge-  
naden zu schreibe

13

naden zuschreibe/der sie nit rechnen wil/so doch/das man sie mit vielen vbungem/wercken vñ leiden bestreite (zu letzt mit sterbē tödte. Welche das nit thün / den wirt er sie nit nachlassen / darumb das sie der tauff vñ yrem vorpinden/nit volge thün/ vñ hindern das angefangene werck gottis vñ der tauffe.

**¶** Czum vierzehendē/ Der art seyn auch die/die do meinen/ yre sund mit gnugthuung tilgen vñ ablegen / Kömen auch so ferne/ das sie der tauff nit mehr achten/gleich als hetten sie der nit mer bedurfft/dañ das sie erauß gehabē sein/wissenn it/das sie durchs ganz leben/biß in den todt / ya am Jungsten tag krafft hat/ wie droben gesagt. Drumß meinen sie etwas anders zufindē/ die sund zuuertilgen/nemlich die werck/vñ machen also yn selbs vñ allen andern/böß erschrockene vnsichere gewissen/vertzagüg am todt/ vñ wissen nit wie sy mit got dran seynd / achtens/die tauff sey nu durch die sund verloren vñ nit mehr nutz. **Da hütt dich fur bey leyß.** Dan wie gesagt/ Ist ymant in sund gefallē/so gedencck er am stercksten an sein tauff/wie sich got daselb mit ym vorpundē hat alle sund zuuergeben/so er widder sie fechten wil/biß in den todt. **Auff die selbige warheit vñ vorpindüg gottis müß man sich frölich erwegen/so geht die tauff widder in yrem werck vñ krafft/so wirt das hertz widder zufriden/ vñ frölich/nit in seine werck oder gnugthuung//sondern/in gottis barmhertzigkeit/die ym/in der tauff zugesagt ist/ewiglich zu haltē. Vñ an dem glaubē müß man also fest haltē/das/ob auch alle creature vñ alle sund einen vberfielen/er dēnoch dran hange/angesehē/das/wer sich danō leßt dringē/ & macht got zu einē lügner in seinē vorpindē am sacramēt & tauff.**

**¶** Czum funffzehenden/ Den glauben sich der Teuffel am mey sten an/wen er den vmbstoß so hat er gewonnen. Dan auch das sacrament der Büß (dauon gesagt ist) seinen grund/an disem sacrament hat. **Dieweil allein denen die sund vergebē werden/die getaufft seyn/das ist/denen got zugesagt hat sund vergeben/also das der Büß sacrament/ernewert vñ widder anzeigt der tauff sacrament/als sprech der priester in der absolucion/ Sich got hat dir dein sund izt vorgebē/wie er dir vorhyn in der tauff zugesagt vñ mir izt befohlen in krafft der schlüssel/vñ kompst nro widder in der tauffe werck vñ wesen. Glaubstu so hastu. zweyfelstu so bistu verloren**

NB.

14.

cautela

15.

Sacrament bapt  
Sacrament penit  
tie

NB.

bistu verloren. Also findē wir/das die tauff durch sund wirt wol  
 verhindert/an yrem werck/das ist vorgebung / vnd tödtung der  
 sund/aber allein durch den vnglaubē yrs wercks/wirt sie zu nich  
 te/vñ der glaub bringet erwidder die selben hindernuß yrs wercks  
 also gar ligt es alles am glauben. Vnd wan ich solt klerlich sage  
 So ist es ein ander ding/die sund vorgeben/vñ die sund ab zulege  
 odder auß zutreyben. Die vorgebung der sund / erlangt der glaub /  
 ob sie wol nit ganz außgetribē seyn. Aber die sund austreiben/ist  
 vbung widder die sund/vñ zu letzt sterben/da geht die sund gantz  
 vnter. Es ist aber als beyd/der tauff werck/also schreibet der apo  
 stel zum Hebreern/die doch taufft waren vñ yre sund vorgebē/ sie  
 sollen die sund ablegen/die yn anligt/Dañ dieweilich glaub/ das  
 mir got die sund nit rechnen wil so ist die tauff krefftig / vnd seyn  
 die sund vorgeben/ob sie wol no. h da bleyben/eins grossen teyls/  
 Darnach volget das austreiben/durch leyden vñ sterben zc. Das  
 ist der articel den wir bekennen/ Ich glaub in den heiligen geyst /  
 vorgebung der sund zc Da wirt die tauff sonderlich berurt/in wel  
 cher/die vorgebung geschicht/durch gottis vorpinden mith vns/  
 dumb müß man nit zweiffeln an der selben vorgebung.

¶ Zum sechzehenden/ Also volget das die tauff alle leyden vñ  
 sonderlich den todt/nutzlich vñ hülfflich macht/das sie nur die =  
 nen müssen der tauff werck/das ist die sund zu tödten/ dann es  
 mag nit anders werden. Wer der tauff gnug thun wil / vnd  
 der sund loß werden/der müß sterbē/aber die sund stirbt nit gern/  
 dumb macht sie den todt so bitter vnd greulich. Also gnedig ist  
 got vñ mechtig/das die sund/die den todt bracht hat/wirt mith  
 yrem eygen werck ( dem todt ) widder vertriben. Man findt vill  
 leuth/die leben wollen/das sie frum werden/vñ sprechen/sie wern  
 gerne frum. Tw ist keyn kürzer weys odder weg/dann durch die  
 tauff vñ tauffenwerck/das ist leyden vnd sterben / dieweil sie desß  
 nit wollen/ists ein zeichen/das sie nicht recht wissen noch meinen  
 frum zu werden. Darumb hat got mancherley stend verordent /  
 in welchen man sich vben vñ leyden leren sol/etlichen den Zelich  
 en/den andern den geistlichē/den andern den regirenden stand/vñ  
 allen befolen mühe vnd arbeit zuhaben/das man das fleisch tödte  
 vñ gewen zum todt/dañ allen denen/die getaufft sein/den hat  
 die tauff

B ij

16.

18.



die tauff dieses lebens ruge gemach vñ gnüge/zu lautter v ergiffte  
 gemacht/als ein ver hindernis yres wercks/dann darynne/ lernet  
 niemant/leyden/gerne sterbē/der sund loß zu werden/vñ der tauff  
 volge thun/sondern/wechßt nur lieb dieses lebens / vñ grewlikēyt  
 des ewigen lebens/forcht des todts/vñ flucht der sund vertilgung  
 ¶ Zum sibenzehenden. ¶ Wo sich/in der menschen leben/es sein  
 yr vil/die fasten/Beeten/wallen/vnd der gleichen vbung haben /  
 mit welchen sie nur vil vordienst zusamen vomeynen / vñ hoch  
 zu sitzen ym himmel/lernen aber nymmermehr/yr böse vntugent  
 tödten. ¶ Man sol fasten/vñ alle vbung dahyn leyten / das sie den  
 alten Adam/die sundlich natur/truckten vñ geweneten/zu empe-  
 ren alles des/das diesem leben lustig ist/vñ also zum todte/teglich/  
 mehr vñ mehr bereyt machen/das der tauff genugt geschehe/ vñ  
 aller der selben vungen vnd mühe masse/ solt man nehmen / nit  
 nach der zal/nach größe/sondern/nach der foderung der tauff/  
 das ist/das ein ygliche die vbung/vñ souil an sich nehme/die vnd  
 souil/ym nutz vñ gut were/die sundlich natur zu trucken/vñ zum  
 todte schicken/die selben auch ablassen vñ mehrer/ darnach man  
 befund/die sund abnehmen odder zu nehmen. So faren sie daher  
 vnd laden auff sich/diß vnd das/thun izt also / izt anders/ nur  
 nach der laruen vñ ansehen des wercks/darnach schwind wid-  
 der faren lassen/vñ also ganz vbestendig werden/das nymmer  
 nichts auß yn wirt. Etlich dörber yr köpff zubrechen/vñ die na-  
 tur verterben/das sie noch yn noch andern nutz sein. Das seyn al-  
 les frucht der lere/die vns besessen hat/das wir meynen nach der  
 rew odder tauff an sund sein/vñ die gutten werck/nit zu sund ver-  
 tilgen/sondern frey fur sich selbst der <sup>wenige</sup> jamlen/odder den ge-  
 thanen sunden/gnüg thun. Da helffen zu die prediger/die der lie-  
 ben heyligen legend vñ werck/nit weißlich predigen. vnd gemeyne  
 Exempel darauß machen/so fallen dan drauff/die vnnerstendi-  
 gen/vñ wircken yr verterben/ auß der heiligen exempel. Got hat ey-  
 nem yglichen heiligen/sein sondere weiß vñ gnad gebē/seiner tauff  
 volge zuthun. Die tauff aber mit yrer Bedeutung/allen ein gemeyn  
 maß gesetzt/das ein yglicher seyns stads/sich brüße/welche weis  
 ym am besten forderlich sey/der Tauff gnug zuthun/das ist/ die  
 sund zu tödten vnd sterben/anff das also leicht vnd senfft werd  
 die burde

die burde christi/ vnd nit mit engsten vnd sorgen zugehe/wie von den selben Salomon sagt/Die werck der vnweyssen/ marteret sie nur/dumb das sie den weg zu der stadt nit wissen. Dan eben wie die geengstet sein/die zur stadt wollen/vn treffen den weg nit/ also ist mit disen auch/das all yr leben vn wircken wirt yn sawr/ vn richten doch nichts auß.

18.

**Z**um achtzehenden/Daher gehort nro die gemeyne frag/ Ob die tauff vn gelubd/die wir da got gethan/ mehr odder groesser seyn/dan die gelubd der keuscheit/brusterschafft/geistlichkeit/ So doch die tauff gemeyn ist allen christen vn man es achtet/die geistlichen ein besonders haben vnd hochers. Antwort/ist auß den vorgesagten leichtlich zu antworten/ dan in der tauff gelobe wir all zugleich ein dingt/ die sund zu todten vnd heylig zu werden/ durch gottis wircken vn genad/dem wir vns dargeben vn opfern/wie ein thon dem topffer/ vn ist da keyner besser dan der ander. Aber der selbe tauff volge zuthun/das die sund ertodtet werd mag nit eyne weyß odder stand sein. Dumb hab ich gesagt/eyn yglicher muß sich selbs prüffen/ in welchem standt er am besten die sund müge todte/vn die natur dempffen. Also ist es war/das keyn hocher/besser/groesser gelubd ist/dan der tauff gelubd/was kan man weyter geloben/dan alle sund vertreiben/sterben/diß leben hassen/ vn heylig werden. Ober das gelubd mag aber sich eyns wol vorpinden in einen stand/der ym suglich vnd forderlich sey/zu seiner tauff volbringung. Gleich als wan zween zu einer stadt wandern/ mag einer den fußsteig/ der ander die landtstraf gehen/wie es yn am bestē dunckt. Also wer sich/an Zelichen stad bindet/der wandert in demselben standts/mühen vn leyden/ dar ynne er seyne natur beladet/das sie liebs vnd leyds gewone/ sund meyde/vn sich zum todt deßterbaß bereitte/das er nit so wol vor mocht außser dem selben standt. Wer aber mehr leyden sucht/vn durch vill vbung/will kurtzlich sich zum todt bereitten/ vn seine tauffwerck bald erlangen/ der binde sich an die keuscheit odder geistlichen orden/dan ein geistlicher stand/wenn er recht steht/so sol er vol martter vn leyden seyn/das er mehr vbung seiner tauff hab/dan der Zelich stand/vn durch solche martter sich bald gewone/ den todt frölich zu empfangen/ vnd also seiner tauff ende  
Bij vberkomme.

18.

18.

oberkömme. Ober disen stand ist nu noch ein höher/der regl-  
rende stand in geistlichem regiment/als Bischoff/pfarrer zc. Die  
sollen alle stand ganz wol durch vber mit leyden vñ wercken/fer-  
tig sein zum todt/nit allein vmb yrentwillen/sondern auch vmb  
der willen/die yn vntertenig seyn zu sterben. Doch in allen disen  
stenden/muß man dennoch die maß nit vorgessen/doben gesagt  
das man die vbung so halte/das nur die sund außtriben werde/  
vnd nit nach der menige odder größe der werck sich richte. Aber  
leyder wie wir vorgessen haben der tauff/vñ was sie bedeut/was  
wir drinnen gelobt/vñ wie wir in yrem werck wädern vñ zu yrem  
end kömen sollen/also haben wir auch der wege vñ der stend vor-  
gessen/vñ fast nit wissen wa:zu solch stend eingesetzt/odder wie  
man sich drinnen halten sol tzur tauff Erfüllung. Es ist ein pom-  
pa drauß worden/vñ nur ein weltlicher scheyn kaument vberbli-  
ben/wie Isaias sagt/Dein silber ist schaum worden/vñ deyn  
wein ist wesserig worden/das erbarm got/ Amen.

19.  
Zum neuntzehenden/ So aber das heilig sacrament d tauff  
so ein groß gnedigs vñ tröstlichs dingk ist/ist mit ernst darauff  
zusehen/das man got ye hertzlich vñ frölich dafür an vnterlaß  
danc/lob vñ ere sag/dann ich besorg der vndanc vordient hat/  
das wir blind worden/nit würdig gewesen seyn solch gnad zu er-  
kennen/vñ die gantz werlt vol tauff vñ gnad gottis gewesen vñ  
noch ist/wir aber/in die engstlichen eygene werck/darnach ynß ab-  
laß vñ dergleichen falsche tröste vofürt sein/vomeynt got nit eer  
zutragen/wir weren dan frum vnd gnug geschehe für die sund/  
als wolten wir ym sein gnad abkauffen odder betzalen. Furwar  
wer gottis gnaden nit also achtet/das er yn als eynen sunder dul-  
den vñ seligmachen werd/vñ allein seinem gericht entgegen geht/  
der wirt gottes nimmer frölich/mag in auch widder lieben noch  
loben. Aber io wir hören / das er in der tauff bind vns sunder  
auffnimbt/schonnet vñ macht vns reyn von tag zu tag / vnd das  
festiglich glauben/muß das hertz frölich werdē/got lieben vñ lo-  
ben. Also spricht er ym propheten Ich wil yr schonen wie ein vat-  
ter seine kind. Drum ist nott/das man der hochelobte maifestet  
die sich gegen vns arme verdampfte würmlen so gnedig vñ barm-  
hertzig ertzeigt/danc/sage/vnd das werck wie es an ym selbs ist /  
großmache



großmache vnd erkenne.

¶ Zum zwentzigsten Dabey sollen wir vns aber auch fürsicht  
das nit ein falsche sicherheit bey eynreisse/vñ sprecht bey yr selbs/  
Ist es so gnedig vnd groß ding vmb die Tauff/ das vns got die  
sund nit rechnen wil/vñ so bald wir widder kōmen von der sund  
all ding schlecht sein in krafft der tauff/ so wil ich vierweil leben  
vñ thun meins willens/vñ ernachmals odder am sterbē an mein  
tauff gedncken/vñ got seyns bunds vormanen / vñ dan meynes  
tauffgnug thun. Ja freylich ist es also groß vmb die tauff/das  
wan du widder kōmest von sunden vñ der tauff bund anruffest/  
dein sund vorgeben seynd. Sich aber zu wan du so freuelich vñ  
nutwillig sundist auff die gnad/das dich das gericht nit ergreiff  
vñ deinem widderkōmen zuuor kōmme/vñ ob du den schon wol  
test glauben in die tauff odder vertragen/das durch gottis vor  
hengen dein ansechtung so groß werde/das der glaub nit bestehn  
müge. Wann so die schwerlich bleiben die nit sundigen/odder ye  
auß lautter gebrechlichkeit fallen/wo will dein freuel bleiben/ der die  
gnad vrsucht vñ vospottet hat? Dumb last vns mit sorgen  
vnd furchten wandern/das wir die reichumb götlicher gnaden  
mügen mit einem festen glauben behalten/vñ seiner barmhertigkeit  
frölichen dancken ymmer vnd ewiglich/Amen.

Ed.  
Cautio.

C.

¶ Getruckt zu Leibzgt durch Wolffgang Stöckel  
.1520.

05  
air

*[Faint, illegible text, likely bleed-through from the reverse side of the page]*

*[Faint, illegible text, likely bleed-through from the reverse side of the page]*

[Jh Bl. 202 <sup>verso</sup>]



Jb 4787 a  
—


ULB Halle 3  
003 732 096



56



von dem heiligen hochsacrament der Tauffe doc  
im Luther Augustiner.



)) (

